

Mei Dorf

In Gedanke zieht`s mich immer noch hin;
An den Ort, do wu ich gebor sin.
Es is e Dorf, dort im Banot;
„Unser Dorf“, han mer damols g`soht.
Es wor ordentlich, sauwer un schen;
Es wor halt e „deutsches Dorf“ gewehn.
Ja, net so „modern“ un so „hoch technisiert“;
For des han die Leit sich och net so intressiert.
Es Lewe wor schwer, awer einfach un ohne „Stress“;
Awer och es „Feire“ hat mer dort net vergess.
Ach, was wor als an de „Kerwei“ los gewen!
Wor des schen „um`s Faß“ zu gehn...
So viel Orweit, so viel Gäscht;
Awer, wu gebt`s heit noch so e Fescht?
Vum „Rescht der Welt“ hat mer net viel gewisst;
Un bis „Irgendwann“ och nix vermisst.
Dann hatt mer`s nimmi so gut mit „uns`rem Dorf“ gement;
Es werd jetz och nimmer „deutsches Dorf“ genennt.
Awer egol wie`s hescht un wie`s ausschaut dort;
Es bleibt immer mei „Geburt un Heimatort“.

Helmuth Ganzer